

Lajčák: Susret sa Krndeljem



Visoki predstavnik i specijalni predstavnik EU, Miroslav Lajčák, primio je danas u Sarajevu predsjednika HSS-NHI-a, Ivana Krndelja.

Tokom sastanka razgovarano je o potrebi provođenja ustavnih reformi u Bosni i Hercegovini, potrebi koju niko ne negira, ali i o dijametralnim razmimoilaženjima u polaznim pozicijama političkih stranaka u Bosni i Hercegovini. Visoki predstavnik i specijalni predstavnik EU još jednom je ponovio stav da buduće ustavno rješenje može biti isključivo domaći proizvod, koji je plod dijaloga i kompromisa, te na zadovoljstvo svih u BiH.

U sklopu ustavnih reformi, osim o ustrojstvu zemlje u cjelini, razgovaralo se i o statusu Brčko Distrikta. Konstatirano je da u sljedećem periodu treba učiniti sve kako bi se po ovom pitanju ostvario napredak i pitanje statusa Brčko Distrikta kvalitetno riješilo.